



蘇文忠公集卷第九十六

內制口宣

撫問知河南府張璟知永興軍韓縝口宣

有勅卿輟自廟堂出為師帥勞於綏御寬我顧憂屬此寒凝勉加顧養今差某官某傳宣撫問想宜知悉

冬季撫問陝西轉運使副口宣

有勅卿汝等歲事將畢農工既休永言乘傳之勞未遑退食之佚勉加輔養尚副眷懷今差某官傳宣撫問想宜知悉

賜新差知成都府王安禮詔書銀合茶藥兼

傳宣撫問口宣

有勅西南之寄古今所難蓋自祖宗以來式輟鈞衡之舊與眾同樂非卿孰宜今差某官賜卿詔書銀合茶藥想宜知悉

賜皇弟遂寧郡王某生日禮物口宣

有勅乃眷賢王惟予介弟篤生茲日沅慶方來往致予言以為爾壽今差某官賜卿生日禮物想宜知悉  
趙州賜大遼皇帝賀興龍節使副茶藥口宣  
有勅卿等久勤輶傳遠涉風埃既漸適於中邦方少安於候館往頒珎劑以示眷懷今差某官某賜卿等

茶藥想宜知悉

雄州撫問大遼皇帝賀興龍節使副口宣

有勅卿等恭修鄰好遠慶誕辰眷惟投館之初益喜造朝之近往申問勞式示眷存今差某官某傳宣撫問想宜知悉

雄州撫問大遼皇帝賀正旦口宣

有勅卿等遠會春朝篤修鄰好言念飛輶之久欣聞入境之初式示眷存往申問勞今差某官某傳宣撫問想宜知悉

冬季撫問諸路公邊臣寮口宣

有勅卿汝等分憂久外並寒三寒眷此勤勞形於軫念往加勞問式示眷存今差入內供奉官龐可道傳宣撫問想宜知悉

賜大遼賀正旦人使到闕班荆館御筵口宣

有勅卿等夙抗使旌少休郊館乃眷川途之遠載惟驂馭之勞特賜燕私以旌勤瘁今差內侍省內侍殿頭張景賜卿等御筵想宜知悉

賜大遼賀興龍節人使班荆館酒果口宣

有勅卿等遠乘使傳方造都門屬此寒凝久於衝涉宜膺就賜之禮以示勞來之恩今差內侍省內侍殿

頭藍永佐賜卿等酒果想宜知悉

賜大遼賀興龍節人使班荆館御筵口宣

有勅卿等遠犯苦寒來修舊好載喜使華之近特申郊勞之儀服我恩私少留燕衍今差內侍省內侍殿頭郭禹錫賜卿御筵想宜知悉

賜大遼賀正旦人使相州御筵口宣

有勅卿等篤修舊好少憇近邦屬冰雪之嚴凝念車徒之勤勤往加燕勞式示眷懷今差入內內侍省內侍殿頭雷通賜卿等御筵想宜知悉

賜諸路臣寮春季銀鞋兼傳宣撫問口宣

有勅卿汝等各竭乃心久勞于外屬此寒凝之候永  
惟綏馭之勤式示眷存往加勞問今差入內供奉官  
龐可道傳宣撫問想宜知悉

撫問知大名府馮京口宣

有勅卿以元臣一作俄分重寄護北門寬我顧憂想

勞綏御屬茲寒沍益務保順今差入內供奉官龐可

道傳宣撫問想宜知悉

賜大遼賀興龍節使副鈔鑼等口宣

有勅卿等解駮授館方講於鄰歡遣使勞來宜伸於

主禮往加優錫以示眷懷今差入內侍省內侍殿

頭李允賜卿等銀鈔鑼唾盂孟子錦被褥等想宜知

悉

賜大遼賀興龍節人使雄州迴程御筵口宣

有勅卿等聘事既成歸途尚邈屬此冰霜之候眷言

來往之勤宜錫燕私少紓行役今差入內侍省內侍殿

頭石琦賜卿等御筵兼傳宣撫問想宜知悉

賜步軍副指揮使苗授已下罷散興龍節道

場香酒果口宣

有勅卿等志在愛君忠於衛上屬誕彌之紀慶修淨

供以祈年宜有寵頒以旌勤意今差入內供奉官羅

承烈賜卿等御筵想宜知悉

賜大遼賀興龍節人使前一日內中酒果口宣

有勅卿等抗旌就館已觀車騎之正平奉幣造朝復歎威儀之美就加寵錫以示恩勤令差入內內侍省東頭供奉李元賜卿等內中酒果想宜知悉

賜大遼賀興龍節人使十一日內中酒果口宣

有勅卿等奉幣講驩造廷稱壽嘉禮儀之閑習宜寵錫之便蕃受此珍甘以旌春遇令差入內東頭供奉官王邁賜卿等內中酒果想宜知悉

賜大遼賀興龍節人使朝辭訖歸驛御筵口宣

有勅卿等使事既終陞辭而復少休賓館將整歸驛特示至懷更頒嘉燕今差入內西頭供奉官宗弼賜卿等御筵兼差尚書右丞劉摯押伴想宜知悉

賜大遼賀興龍節人使瀛州迴程御筵口宣

有勅卿等已修舊好復改比較雖候館之少休春歸途之尚邈往頒燕俎以示至懷今差內侍省內西頭供奉官張衍賜卿等御筵想宜知悉

賜大遼賀興龍節人使朝辭歸驛酒果口宣

有勅卿等已事言旋指期夙駕歲寒道遠良用軫懷  
宜有寵頒以旌勤瘁今差入內西頭供奉官李逵賜  
卿等酒果想宜知悉

賜大遼賀興龍節人使射弓例物口宣

有勅卿等懷四方之志挾五善之能終日射侯於是  
觀禮宜申寵錫以佐賓歡今差入內侍省內東頭  
供奉官張詠賜卿等射弓例物兼差威武軍節度觀  
察留後權管勾侍衛馬軍司公事苗授伴射想宜知  
悉

賜大遼賀興龍節人使班荆館却迴酒果口

宣

有勅卿等聘事已成征驂言邁往饒於館以華其歸  
仍有寵頒式昭厚眷今差入內侍省內西頭供奉  
官張士和賜卿等酒果想宜知悉

賜諸路臣寮中冬衣襖口宣

有勅卿汝霜寒荐至衣褐未周念我遠臣何以卒歲  
往均安煖之賜尚體眷懷之深今差翰林執學段易  
賜卿汝等初冬衣襖想宜知悉

接伴大遼賀興龍節人使送伴迴程與大遼  
賀正旦人使相逢撫問口宣

有勅卿等並駕使軺遠敷隣好屬風霜之凝冽歷川  
陸之阻修宜示眷懷特申問勞今差某官傳宣撫問  
想宜知悉

趙州賜大遼賀 皇帝正旦使副茶藥口宣

有勅卿等遠修聘事來會歲元眷言夙駕之勤宜有  
中塗之賜受茲珍品喻我至懷今差入內殿頭徐安  
道賜卿等茶藥想宜知悉

相州賜大遼賀興龍節使副御筵口宣

有勅卿等犯寒遠道弭節近邦少休夙駕之勞式示  
加籩之惠服我寵數以增使華今差入內殿頭石琦

賜卿等御筵想宜知悉

相州賜大遼賀興龍節使副却迴御筵口宣

有勅卿等聘事告成還車言邁改轅北道弭節近邦  
顧言行役之勤宜有宴私之寵今差入內殿頭李春  
賜卿等御筵想宜知悉

賜知樞密院安燾已下酒果口宣

酒果口宣

有勅卿等誕彌之慶繇宇所同知我臣工方茲燕喜  
宜有柔嘉之賜以成豈弟之歡今差入內高班韓巽  
賜卿等御筵想宜知悉

賜濟陽郡王曹侑罷散興龍節道場香酒果

口宣

有勅卿位重威藩望隆耆德歸心覺苑增祝壽山宜  
有寵頒以昭厚眷今差入內西宮供奉官高純之賜  
卿御筵想宜知悉

就驛賜大遼賀興龍節使宴花酒果口宣

有勅卿等遠勤使傳來慶誕辰臨遣重臣往頒宴俎  
仍加寵錫以示至懷今差入內供奉官王禹臣賜卿  
等宴花酒果想宜知悉

送伴正旦使副公路與加貝比朝生辰并正旦

使副相逢傳宣撫問口宣

有勅卿等銜命出使徂冬涉春適寒苦之倍常知勤  
勞之加舊勉驅郵傳來造會朝今差某官某傳宣撫  
問想宜知悉

賜大遼賀正旦入賀畢使副就驛酒果口宣

有勅卿等既覲闕庭少安館舍且行慶賜以樂春朝  
往致甘芳式華觴豆今差入內供奉官李正臣賜卿  
等酒果想宜知悉

賜大遼賀正旦使副射弓例物口宣

有勅卿等出遊禁禦觀藝射侯了矢既均禮儀卒度

宜加寵錫以侑燕歡今差入內西頭供奉官康夔賜  
卿等射弓弓箭想宜知悉

賜集禧觀使鎮江軍節度使開府儀同三司  
韓絳到闕生餽口宣

有勅卿力辭繁劇歸即燕安想見老成渴聞嘉話特  
頒牢醴以勞駉駉今差內侍省內侍殿頭梁繼弼賜  
卿生餽想宜知悉

班荆館賜大遼國賀坤成節人使到闕御筵  
口宣

有勅卿等肅將慶幣垂及都門遠涉暑塗想勲行李

式頒燕衍以示恩私今差內侍省內侍殿頭藍永佐  
賜卿等御筵想宜知悉

賜護國軍節度使檢校太師濟陽郡王曹佺  
生日禮物口宣

有勅卿等世濟勲勞德隆藩戚屬此誕彌之日豈無  
燕喜之私膺我寵頒永增壽祉今差卿等內殿承  
制皎賜卿生日禮物想宜知悉

就驛賜大遼賀坤成節人使銀鈔羅錦被褥  
等口宣

有勅卿等遠持慶幣來講鄰歡徒馭少休舍館既定

首膺寵錫當體眷懷今差入內內侍省內東頭供奉  
官李光賜卿等銀鈔羅等想宜知悉

相州賜大遼賀坤成節人使却迴御筵口宣

有勅卿等遠涉歸途再懼秋暑駕言近郡少憇旋車  
宜示眷懷往頒燕俎今差入內內侍省內東頭供奉  
官張應之賜卿等御筵想宜知悉

雄州撫問大遼使副賀坤成節口宣

有勅卿等抗旃修好馳傳及疆遠涉暑途實勞驟馭  
特加存撫式示眷懷今差內侍省內侍殿頭高霖賜  
卿等御筵想宜知悉

瀛州賜大遼賀正旦人使迴程御筵口宣

有勅卿等來修舊好遠冒祁寒涉歷冬春服勤郵傳  
式頒嘉燕以答久勞今差內侍省內侍殿頭張景賜  
卿等御筵想宜知悉

賜新除守司空高平章軍國事呂公著辭免不

允批答口宣

有勅朕圖任元老以表四方以卿望在士民心存社  
稷勉膺異數式副僉言今差入內內侍省內東頭供  
奉官勾當御藥院閻安賜卿辭免恩命不允批答想  
宜知悉

賜新除右丞胡宗愈辭免恩命不允斷來章  
批答口宣

有勅卿雅望在人純忠許國既以稟進胡為力辭宜  
體至懷即膺成命今差入內內侍省內東頭供奉官  
陳繹賜卿辭免恩命不允斷來章批答想宜知悉

賜河北西路諸軍秋季銀鞋兼傳宣撫問臣  
寮將校口宣

有勅憂寄之深疆事靡盬眷言勞勩想各平寧體我  
至懷受茲時賜今差入內內侍省內西頭供奉官董  
溫之傳宣撫問兼賜諸軍銀鞋想宜知悉

白溝驛賜大遼賀坤成節人使御筵兼傳宣  
撫問口宣

有勅卿等遠涉暑塗來陳慶幣眷言徒御久犯風埃  
往錫宴娛少休行役今差某官某賜卿等兼傳宣撫  
問想宜知悉

賜大遼賀坤成節人使生餼口宣

有勅卿等肅將鄰好來慶誕辰徒御久勞館宇初乏  
宜頒委積以示寵嘉今差入內內侍省內西頭供奉  
王禹臣賜卿等生餼想宜知悉

賜北京恩翼等州修河官吏及都轉運使運

判監丞等銀合茶藥并兵級等夏藥特支兼  
傳宣撫問口宣

有勅卿汝等夙夜河壩暴露野次屬茲暑雨深軫予  
懷徃示寵頒少慰勞苦今差入內侍省內侍高品  
李正臣賜卿等銀合茶藥并見役兵級夏藥特支兼  
傳宣撫問想宜知悉

撫問保寧軍節度使判大名府馮京兼賜銀  
合茶藥口宣

有勅河後方興吏民在野暑雨之際綏御為勞膺此  
寵頒尚加慎護今差入內侍省內侍高品李正臣

賜卿銀合茶藥兼傳宣撫問想宜知悉

賜殿前司罷散坤成節道場香酒果口宣

有勅卿忠存衛上義切戴君爰祝壽山克成梵供宜  
加寵錫以示眷懷今差內侍省內侍殿頭宋謹賜卿  
等香酒果想宜知悉

賜宗室開府儀同三司以下罷散坤成節道  
場香酒果口宣

有勅卿等以令德款親共輸誠悃名蓋法供虔祝壽  
祺既徹淨筵宜加寵錫今差內侍高品郭禹錫賜卿  
等香酒果想宜知悉

就驛賜大遼國賀坤成節人使宴口宣

有勅卿等遠馳使傳來會誕辰言念勤勞宜加旌寵特頒燕衍以示眷懷今差入內內侍省內侍殿頭楊惇賜卿等宴兼差太中大夫守尚書左僕射兼昭下侍郎呂大防押伴想宜知悉

安壽乞外郡不允口宣

有勅卿職在樞要表儀百官進當以禮退當以義今茲求退其義安在亟還視事毋復固辭

賜大遼賀興龍節使副御筵口宣

有勅卿等將命鄰邦服勤郵傳久冒風霧少休車徒

宜體眷懷式同燕衍

賜大遼賀興龍節人使迴程御筵口宣

有勅卿等夙駕歸軒少休勞郡眷言勞勩良極眷懷往錫宴嘉以旌恩眷

就驛賜大遼賀興龍節使副鈔鑼等口宣

有勅卿等肅將鄰好遠涉寒塗眷言投館之初宜有勞來之禮往加寵賜以示眷懷

玉津園賜大遼人使射弓御筵弓箭等口宣

有勅卿等使節有華鄰歡載講既娛賓於靈囿將觀德於射侯宜有寵頒以旌眷命

賜大遼人使朝辭就驛酒果口宣

有勅卿等畢事告旋指期言邁念征途之勞瘁迫徂歲之沍寒體我至懷膺茲寵錫

班荆館賜大遼國入使到闕御筵口宣

有勅卿等遠將鄰好至止都門屬霜霧之嚴凝念車徒之勤瘁宜申燕衍以示眷懷

十日賜大遼入使內中酒果口宣

有勅卿等造廷稱壽率禮可觀豈惟鄰好之修亦見使華之美宜膺寵錫以示至恩

賜大遼國入使生餽口宣

有勅卿等遠持慶幣申講鄰歡徒馭有華舍館方宜往餽牽之錫以旌郵傳之勤

班荆館賜大遼國入使迴程御筵口宣

有勅卿等告辭中禁改乘北轅屬歲晚之嚴凝念紅途之悠緬往頒燕喜可復少留

雄州撫問大遼國賀正旦入使口宣

有勅卿等肅將慶幣來會春朝遠犯風埃實勞徒馭欣聞入境良慰眷懷

玉津園賜大遼入使射弓例物口宣

有勅卿等既陳慶幣復展射侯豈獨娛賓亦將觀德



原件短缺

宜有珍良之錫以旌審固之能

雄州白溝驛賜大遼人使却迴御筵撫問口  
宣

有勅卿等飛蓋西風改轅北道喜山川之漸近忘徒  
馭之久勞往致眷懷少留燕衍

賜大遼使副時花酒果口宣

有勅卿等鄰歡既展賓館歸休宜分醖宰之醇復致  
瓜華之脩少將至意其照茂恩

瀛州賜大遼人使迴程御筵口宣

有勅卿等鞭轡既勞封疆漸邇雖勤歸念少憇暑澄

蘇文忠公集卷第九十七

內制口宣

撫問知大名府馮京口宣

有勅卿夙分重寄言念勤一作勞歲律云周王事靡  
盥益加輔養以體眷懷今差入內內侍省內西頭供  
奉官劉安國傳宣撫問想宜知悉

冬季傳宣撫問河北河東沿邊臣寮口宣

有勅卿等疆場之守職思其憂霜露既凝歲聿云暮  
宜加厚愛以副眷懷今差入內內侍省內西頭供奉  
官寇順之傳宣撫問想宜知悉



七日賜大遼賀興龍節人使內中酒果口宣  
有勅卿等柅車就館布幣造庭既欣鄰好之修復歎  
使華之美就加寵賚式示眷懷今差內侍省內東頭  
供奉官胡忠順賜卿等內中酒果想宜知悉

相州賜大遼賀正旦人使御筵口宣

有勅卿等春朝畢會鄰聘交馳屬徂歲之沍寒念遠  
勤於行李往頒燕衍以重使華今差內侍省內侍殿  
頭何孝友賜卿等御筵想宜知悉

趙州賜大遼國賀太皇太后正旦使副茶  
藥口宣

有勅卿等遠馳四牡來應三朝屬此歲寒勞於行役  
宜膺寵錫以示眷存今差內侍省內西頭供奉  
官謝得方賜卿等茶藥想宜知悉

賜大遼國賀興龍節人使朝辭訖歸驛御筵  
口宣

有勅卿等聘事告成陞辭言邁念歸途之云遠復賓  
館之少留體我眷懷共茲宴喜今差內侍省內  
東頭供奉官李達賜卿等御筵兼差通議大夫守尚  
書左丞王存押伴想宜知悉

班荆館賜大遼國賀興龍節人使回程酒果

口宣

有勅卿等改轅北路供帳都門風埃浩然徒馭勤止  
宜膺寵錫以示恩華今差內侍省內西頭供奉官李  
世長賜卿等酒果想宜知悉

瀛州賜大遼國賀興龍節人使回程御筵口  
宣

有勅卿等回車北道弭節滯亭使事已終歸駮少憇  
往頒燕衍益厚眷存今差內侍殿頭王懷敏賜卿等  
御筵想宜知悉

賜皇弟普寧郡王侯生日禮物口宣

有勅朕之介弟生以茲辰春萼之相輝祝椿齡之  
難老宜同慶喜往致寵頒今差宣德郎右正言劉安  
世賜卿生日禮物想宜知悉

賜大遼國賀正旦人使正月一日就驛御筵  
口宣

有勅使華遠至春律肇新即卿舍館之安昭我惠慈  
之眷往陳燕豆以樂佳辰今差入內內侍省內侍殿  
頭李易從賜卿等御筵無差中大夫守中書侍郎劉  
摯押伴想宜知悉

賜大遼國賀正旦人使內中酒果口宣

有勅卿等瑞節華軒來修舊好醇醪珍寶以薦新春  
膺此寵頒體予異眷令左入內內侍省內西頭供奉  
石壽賜卿等內中酒果想宜知悉

班荆館賜大遼國賀正旦人使回程御筵口  
宣

有勅卿等使事告成旋去半言邁方改轅於北道暫弭  
節於都門昭示眷懷少留宴衍今差內侍省內侍殿  
頭梁自正賜卿等御筵想宜知悉

雄州賜大遼國賀正旦人使回程御筵兼傳  
宣撫問口宣

有勅卿等已事告歸柅車少憇眷言長道遠犯餘寒  
宜錫燕嘉以旌勞勩今差內侍省內西頭供奉官郭  
惟明賜卿等御筵兼傳宣撫問想宜知悉

賜大遼賀正旦人使鈔鑼唾盃子錦被褥  
等口宣

有勅卿等遠將鄰好來慶春朝眷言跋履之勤宜有  
珍華之賜受茲異寵體我至懷今差入內內侍省內  
侍殿頭秦肅之賜卿等銀鈔鑼唾盃子錦被褥等  
想宜知悉

玉津園賜大遼國賀正旦人使射弓例物口

宣

有勅卿等射以娛賓抑將觀德發而命中曾不出正宜旌審固之能膺受珍良之賜今差入內內侍殿頭揚惇賜卿等射弓例物兼差殿前副都指揮使武泰軍節度使苗授伴射想宜知悉

瀛州賜大遼賀正旦人使回程御筵口宣

有勅卿等已聘言還犯寒遠邁方脂車於北道復弭節於邊城宜錫宴嘉以旌勞勩今差入內內侍省內侍殿頭王懷敏賜卿等御筵想宜知悉

班荆館賜大遼國賀正旦人使却回酒果口

宣

有勅卿等還璋言邁弭節少留念鞭轡之方勤涉冰霜之餘涼宜陳燕俎以寵歸軒今差內侍省內侍殿頭皇達賜卿等酒果想宜知悉

正月六日大遼國賀正旦人使朝辭訖就驛

賜御筵口宣

有勅卿等使事告成陛辭言邁命近臣之往勞庶遠道之少留體我眷懷共茲宴衍今差入內內侍省內東頭供奉官李元賜卿等御筵兼差正議大夫守門下侍郎孫固押伴想宜知悉

撫問廊廷路巨寮口宣

有勅卿汝等分寄遠隨輯寧更士眷言動勩良極軫  
深往致朕言各宜尚慎今差東頭供奉官趙思信傳  
宣撫問想宜知悉

又

有勅汝等寺各膺器使初服造隨眷茲靖安時乃忠  
力特勞問以示顧懷今差入內內侍省內東頭供  
奉官陳嘉言傳宣撫問想宜知悉

賜呂大防生日禮物口宣

有勅惟茲穀旦生我元臣爰分服食之良往助閨門

之喜式為爾壽宜識朕心今差卿弟左宣德郎大臨  
賜卿生日禮物想宜知悉

賜皇叔徐王顥生日禮物口宣

有勅乃眷賢王實為社稷之衛載臨誕日永集邦家  
之休臨遣使車往致眉壽今差左承議郎充集賢校  
理守國子司業兼侍讀孔武仲賜卿生日禮物想宜  
知悉

就驛賜太遼賀坤成節人使銀鈔鑼等口宣

有勅卿等遠勤使節展慶誕辰畏暑長途方即安於  
舍館精金良幣宜往致於恩私今差入內內侍省內

西頭供奉官劉韓賜卿等銀鈿羅唾盂孟子錦被褥等想宜知悉

班荆館賜大遼賀坤成節國信使副到闕酒果口宣

有勅卿等抗旃遠道解鞅近郊念館舍之未安宜驟駢之少憩式頒芳旨以示眷懷今差內侍省內侍殿頭楊觀賜卿等酒果想宜知悉

賜大遼賀坤成節使副生餼口宣

有勅卿等抗旃著露弭節驛亭眷惟行李之勤往致珍鮮之餽膺茲寵數明我眷懷今差內侍省內

侍殿頭康承錫賜卿等生餼想宜知悉

王津園賜大遼賀坤成節人使射弓例物口宣

有勅卿等圭璋致命既已講歡弓矢娛賓亦將觀德宜有珍華之錫以旌審固之能今差內侍省內東頭供奉官王邁賜卿等射弓例物兼差殿前副都指揮使劉昌祚伴射想宜知悉

賜平海軍節度使駙馬都尉李瑋已下罷散坤成節道場香酒果口宣

有勅卿等義重戚藩志同忠報屬誕辰之均慶嘉法

會之告成宜示褒優特加寵賚今差內侍省內西頭供奉官李世長賜卿等香酒果想宜知悉

賜管軍已下罷散坤成節道場香酒果口宣  
有勅誕彌之慶海宇攸同嘉將帥之協恭設人天之妙果宜均寵錫以示褒德今差內侍省內侍殿頭張翬賜卿等酒果想宜知悉

賜皇伯高密郡王宗晟已下罷散坤成節道場香酒果口宣

有勅眷我宗英志存忠節修等慈之妙供祝難老之昌期嘉此精誠均其慶錫今差內侍省內西頭供奉

官盧仲宣賜卿等香酒果想宜知悉

相州賜大遼賀正成節人使却回御筵口宣

有勅卿等鄰好既成使蓋下有耀眷邦畿之漸遠念郵傳之方勤服我恩私少幽中燕喜今差內侍省內西頭供奉官盧仲宣賜卿等香酒果想宜知悉

賜大遼賀正成節人使朝辭訖歸驛御筵口宣

有勅卿等已聘告歸少休就館即頒燕俎臨遣輔臣式示異恩以榮回馭今差內侍省內西頭供奉官朱孝友賜卿等御筵香酒果想宜知悉

轍押伴想宜知悉

班荆館賜大遼賀坤成節人使回程御筵口  
宣

有勅卿等方事回轅聊茲弭蓋念征途之尚未加秋  
暑之未衰往錫燕嘉少休徒馭今差入內內侍省內  
侍殿頭馮和賜卿等御筵口想宜知悉

賜大遼賀坤成節使副內中酒果口宣

有勅卿等來陳慶幣克盡鄰歡載嘉遠聘之勤宜示  
寵綏之意頒茲芳旨服我恩私今差入內內侍省內  
西頭供奉官梁元弼賜卿等內中酒果想宜知悉

賜大遼賀坤成節人使朝辭訖歸驛酒果口  
宣

有勅卿等遠敷使事率禮無違既上謁辭言還即日  
宜加頒錫益示寵榮今差入內內侍省內侍殿頭董  
慤賜卿等酒果想宜知悉

坤成節就驛賜阿里骨進奉人使御筵口  
宣

有勅汝等來修貢篚適邁誕辰宜均慶賜之恩共樂  
亨嘉之會往頒燕俎咸極歡心今差入內內侍省內  
侍高品韓巽賜汝等御筵想宜知悉

雄州白溝驛賜大遼賀正旦人使御筵口宣  
有勅卿等遠馳使節來慶春朝屬歲律之凝嚴涉道  
途之脩阻宜頒宴衍以勞動勗今差入內內侍省內  
侍殿頭藍惟永賜卿等御筵想宜知悉

趙州賜大遼皇帝賀興龍節人使茶藥口宣  
有勅卿等遠飭使輶來陳慶幣川途甚阻風霧可虞  
特示至恩往頒名劑今差入內內侍省內東頭供奉  
官宋良臣賜卿等茶藥想宜知悉

雄州撫問大遼國賀興龍節使副口宣  
有勅卿等遠犯風埃久動輶傳入疆茲始授館少安

申命撫存式昭眷獎今差入內內侍省內東頭供奉  
官鄧輔堯傳宣撫問想宜知悉

趙州賜大遼國賀 太皇太后正旦使副茶  
藥口宣

有勅卿等奉將邦幣馳會歲元眷言夙駕之勤方次  
中途之館宜頒靈劑以喻至懷今差入內內侍省內  
西頭供奉阮易簡賜卿等茶藥想宜知悉

班荆館賜大遼賀興龍節人使到闕酒果口  
宣

有勅卿等肅將信幣中慶誕辰眷言行李之勞宜有

燕休之賜受茲芳酌體我眷懷今差內侍省內侍殿頭李鎮賜卿等酒果想宜知悉

班荆館賜大遼賀正旦人使回程酒果口宣  
有勅卿等抗旌旋復弭節少留風埃浩然徒馭勤止宜有珍芳之賜以昭眷寵之殊今差內侍省內侍殿頭吳餘立賜卿等酒果想宜知悉

就驛賜大遼賀正旦人使酒果口宣

有勅卿等遠會春朝恪脩鄰好既卒聘事豈無燕私宜就錫於加籩蓋式昭於異數今差內侍省內侍東頭供奉官容約賜卿等酒果想宜知悉

賜河東路諸軍來年春季銀鞋兼傳宣撫問

臣寮將校口宣

有勅卿等從事遠陲服勤師律方踐更於春令諒率履於天和特有匪頒以昭眷遇今差內侍省內東頭供奉官陳演撫問兼賜諸軍銀鞋想宜知悉

雄州賜大遼賀正旦人使回程御筵口宣

有勅卿等出疆繼好已事言還跋履冰霜憇休館舍宜有燕私之寵以旌來往之勤今差內侍省內侍殿頭孫承禧賜卿等御筵兼傳宣撫問想宜知悉  
就驛賜大遼賀正旦人使銀鈔鑼唾盃孟子

錦被褥口宣

有勅卿等遠馳信幣來慶春朝眷言行李之勞方茲館舍之定宜加頒費用示以寵嘉今差入內內侍省西頭供奉官董宗立賜卿等銀鈔羅唾盂子錦被褥等想宜知悉

賜鎮江軍節度使判大名府韓絳詔書湯藥口宣

有勅卿德望之隆中外所屬誠請雖極輿論未安毋復懷歸以勤北顧特頒良劑以輔至和今差入內內侍省內東頭供奉官勾當內東頭司張士良賜卿詔

書湯藥想宜知悉

班荆館賜大遼正旦人使到闕酒果口宣  
有勅卿等遠修鄰好並不會歲元久涉道途少休郊館宜頒芳旨以勞驂駢

就驛賜大遼正旦人使宴口宣

有勅卿等佳辰紀慶睦心事告成申飭臣鄰往就舍館同茲衍樂服我惠慈

賜大遼賀正日一使副銀鈔羅等口宣

有勅卿等通兩國之鄰不遠千里驅一乘之傳來慶三朝宜有寵頒以昭恩眷

賜大遼賀正日一畢使副就驛御筵口宣

有勅卿等遠抗使旃至不陳慶幣眷東風之協應嘉上  
日之同歡宜就驛亭仕頒燕豆

賜大遼賀正日使副前一日內中酒果口宣

有勅卿等方興嗣歲既饒餘寒佳鄰好之篤脩念使  
華之少駐式頒珍異以示眷懷

賜大遼賀正日使副却回班荆館御筵口宣

有勅卿等聘事既成歸途方啓言念改轅之始少留  
張飲之歡往推恩勤下及徒馭

賜大遼賀正日使副朝辭訖歸驛御筵口宣

有勅卿等寓姑以久勤趨庭告去不假壺觴之樂曷為

徒馭之華服我恩私少留宴衍

賜大遼賀正日使副春幡勝口宣

有勅剪刻之工風俗惟舊眷皇華之在館屬春陽之  
肇新宜有分頒以增賁飾

寒節就驛賜于闐國進奉入御筵口宣

有勅汝等觀光上國述職還方屬茲改火之辰想有  
懷歸之念宜頒燕衍以示恩私

坤成節就驛賜于闐國進奉入御筵口宣

有勅卿等款塞觀光趨庭効貢屬誕彌之稱慶均燕

將以示慈祗服之能嘉式旌忠恪

賜于闐國進奉人進發前一日御筵口宣

有勅汝等奉琛來觀已事言歸式嘉慕義之誠宜有勞還之澤往頒燕衎祗服恩私

賜于闐國進奉人使正旦就驛御筵口宣

有勅汝等重譯遠來觀老戾止屬人正之改律樂天敘之發春宜示寵休式同燕喜

賜皇弟咸寧郡王侯生日禮物口宣

有勅眷乎母弟誕慶茲辰載詠斯千之祥宜均既醉之福祗膺寵數永錫壽祺云云

賜建安郡王宗綽生日禮物口宣

有勅卿位隆將相德重宗藩方秋律之既深紀門弧之多慶宜膺寵錫以介壽祺云云

賜嗣濮王宗暉生日禮物口宣

有勅流澤之深積慶之厚嘉此良辰自篤生賢王受茲多儀永錫難老云云

賜太師文彥博生日禮物口宣

有勅卿勲在廟社名聞華夷允儲河岳之靈宜享喬松之壽往頒寵數以慶佳辰云云

賜宰相呂公著生日禮物口宣

有勅卿仁以庇民忠以衛上誕彌之日慶慰良深往錫寵章以介眉壽

賜皇弟普寧郡王似生日禮物口宣

有勅歲將更端月亦既望實以茲日篤生賢王宜厚寵頌以介多福云云

賜皇伯高密郡王宗晟生日禮物口宣

有勅卿德茂宗枝望隆公袞推本流長之慶有嘉震肅之辰宜示寵頌以綏壽祉云云

賜皇弟山南東道節度使似生日禮物口宣

有勅卿以華之親隸瓜瓞之應載臨誕日宜厚寵

頌服式異恩永膺介福云云

賜宰相呂大防生日禮物口宣

有勅乃眷良辰篤生元輔豈獨縉紳之望允為河岳之英今遣爾甥往以朕命受茲休寵永介壽康云云

賜皇弟大寧子郡王似生日禮物口宣

有勅乃眷賢王篤生茲日本枝之慶幸甚相承宜分麻庫之良以致喬松之壽云云

賜正議大夫一室燾上第一表乞退不允口宣

有勅卿被遇先帝勤勞有年逮于眇躬倚注彌重宜安厥位毋重力辭云云

賜宰相呂公著

乙退不允口宣

有勅卿柱石本朝著龜

鼎代方茲注意實所仰成宜

體朕心姑安其位云云

退不允口宣

有勅卿綜轄樞機雍容廊

廟義崇國謀豈先身往

喻至懷少安舊服云云

賜安燾乞退不允

口宣

有勅卿以舊德首寇西樞

雅望既隆仰成彌重宜安

厥位以卒輔予云云

賜文彥博乞致仕

不允口宣

有勅卿德望冠於累世風采聞於四夷方茲仰成倚

以為重退老之請所未如聞云云

有勅朕上承慈訓下酌典言秉國之鈞非卿莫可來

請雖切朕意不移云云

勅彥博求退之意著於士民執謙之心信於天地勉

當委重之託切無懷祿之謙大義苟安細故可略朕

命不再卿其少安云云

有勅卿望重百辟咸聞四夷進退之間輕重所寄毋

煩屢請朕命不移云云

賜呂公著乞致仕不允口宣

有勅朕以冲眇垂拱云云成卿以耇老圖任共政無故而去於義未安云云

有勅卿望重縉紳義同休戚如左右手可湏臾離雖屢形於懇詞必難移於朕意云云

賜文彥博致仕不允批荅口宣

有勅耆老在位華重尊觀若聽公歸恐失民望朕命不再公其少留云云

宣召許內入院口宣

有勅卿拔自循良入於文學禁林之命儒者所榮往祇厥司以究所蘊云云

閣門賜呂公著誥口宣

有勅卿正位三公具瞻多士式資坐論以副仰成體朕眷懷服此明命云云

閣門賜呂大防范純仁誥口宣

有勅朕稽叅衆庶登用俊良並建宰司同陞揆路祇承明命仰副眷懷云云

閣門賜新封徐王誥口宣

有勅卿望隆尊屬德冠宗藩改殿大邦實諧群議往服朕命以為國華云云

興龍節尚書省賜宰相已下酒果口宣

有勅誕彌之慶中外所同眷我臣鄰共茲燕喜宜加  
寵賚以示眷懷今差入內內侍省內西頭供奉官鄧  
舜賢賜卿等酒果想宜知悉

賜太師文彥博已下罷散道場口宣

有勅卿等以弼亮之重勤勞王家因誕慶之辰修崇  
法會宜頒勞賜以示眷存

賜樞密安燾已下罷散興龍節道場香酒果

口宣

有勅卿等樞機之臣社稷是衛夙設入天之供共祈  
箕翼之祥宜膺寵頒以助燕喜

賜駙馬都尉李瑋已下罷散興龍節道場口  
宣

有勅震夙紀辰邇遐同祝乃眷感藩之重預修淨供  
之嚴亦既告成宜膺寵錫

賜殿前副都指揮使苗授已下罷散興龍節

口宣

有勅卿等以衛上之忠屬誕彌之慶預嚴淨會以薦  
壽祺及此告成宜加寵賚

賜權管勾馬軍司公事姚麟已下罷散道場

口宣

有勅卿等率職周廬歸誠梵宇共致延鷓之祝出於  
忠愛之深宜錫珍芳以助燕衍云云

賜文太師已下罷散道場口宣

有勅乃眷師臣身先百辟有嚴淨供祇薦萬齡宜有  
分頒以助燕喜云云

賜皇叔徐王罷散道場口宣

有勅卿望隆周召德邁間平屬誕慶之紀辰仗佛乘  
而薦祉助茲宴喜錫以柔嘉云云

賜濟陽郡王曹僧罷散道場口宣

有勅卿寵冠戚藩望隆舊德將祝無疆之壽故脩最

上之乘既徹淨筵宜膺寵錫云云

賜皇伯祖嗣濮王宗暉已下罷散道場口宣

有勅眷我宗英乃心王室修彼龍天之供慶茲虹電  
之祥宜有分頒以成燕喜云云

賜皇叔祖同知大宗正事宗京罷散道場口

宣

有勅乃眷宗英祇率藩服慶誕辰而屬壽脩淨會以  
告成宜有分頒以助燕喜云云

賜知樞密院安燾已下罷散道場口宣

有勅卿等任重樞機忠存廟社屬誕辰之薦壽修法

會以告成錫以珍芳助其燕喜云云

賜知樞密院安燾已下罷散道場口宣

有勅彌月之祥溥天同慶協股肱之平力延釋梵以祈年申以寵頒助其愷樂云云

賜皇伯祖宗暉已下罷散道場口宣

有勅卿等以義重宗藩志存忠愛先期誕月歸命佛乘迨茲法會之成宜有正頒之寵云云

坤成節尚書省賜宰臣已下御筵酒果口宣

有勅卿等忠存柱石誠貫天人共欣誕日之臨既畢祇園之會宜頒芳旨以助燕私云云

坤成節賜知樞密院事韓忠彥已下御筵酒

果口宣

有勅卿等修佛勝因祈天永命既肅成於梵供益表見於忠誠宜有寵頒以同燕喜云云

賜馬步軍姚麟已下罷散道場口宣

有勅卿等誕辰祇慶法會告成嘉與四生同躋壽域往頒芳旨少勞忠勤云云

賜韓忠彥已下罷散道場口宣

有勅嘉我樞臣義均一體修茲淨供而履續千齡不有寵頒曷旌忠報云云

賜徐王罷散道場口宣

有勅卿親賢莫二忠孝實兼饌蒲塞於祇園薦椿齡於崇慶既成法會宜有寵頒云云

賜宰相呂大防已下罷散道場口宣

有勅卿等竭誠衛上體國均休恪修西竺之儀仰獻南山之祝宜膺寵錫以示褒優云云

賜知樞密院事安燾已下罷散道場口宣

有勅卿等忠存體國義切戴君結妙果於三乘祝慈闈之萬壽宜膺寵錫以示眷存云云

賜太師文彦博已下罷散道場口宣

有勅卿等翊贊大猷倡先多士方之慈闈之獻壽嚴法會以薦誠宜有寵頒以昭殊眷云云

賜殿前都指揮使燕達已下罷散道場口宣

有勅卿等同罄純忠力修勝果用祈慈壽既徹梵筵宜有寵頒以昭眷遇云云

賜皇伯祖鎮南軍節度使示暉已下罷散口

宣

有勅卿等表率宗盟助成孝治祝慈壽仰扣佛乘既畢梵筵宜加寵賚云云

賜平海軍節度使李暉已下罷散道場口宣

有勅卿等乃心王室同輸欲報之心誠稽首佛乘共祝  
無疆之壽既成法會宜示寵頒云云

賜皇叔揚王荆王醴泉觀四能散道場口宣

有勅卿等德冠邦家義兼臣子修世物緣於西竺祈壽  
嘏於南山宜有寵頒以成法會云云

賜皇伯祖宗晟辭免恩命一不允批荅口宣

有勅官不可曠禮有從權苟愛君如愛親則王事為  
家事勉遵舊服少屈私誠云云

賜宗晟辭免恩命不許仍<sub>以</sub>來章批荅口宣

有勅哀慕未衰懇辭彌切既寒暑之一變宜忠孝之

兩全勉從朕言起服乃事云云

賜新除門下侍郎孫固辭免恩命不允口宣

有勅卿金華元老西樞舊臣與政由<sub>不</sub>臺實慰輿議祇  
膺成命毋復固辭云云

賜新除依前中大夫守中書侍郎呂大防辭  
免口宣

有勅大政所關西臺為重朕難其<sub>以</sub>迭無以易卿宜即  
欽承毋煩退避云云

賜新除中大夫守尚書右丞劉摯辭免口宣

有勅卿嘉猷屢告輿議所歸授受之間臣主無愧速

起視事副朕所期云云

賜新除知樞密院安燾辭免口宣

有勅卿以舊德簡在朕心成命既孚僉言咸穆宜即  
祗受毋煩固辭云云

賜呂大防范純仁辭免恩命不允口宣

有勅卿望重縉紳才兼文武弼亮之選中外同然毋  
復固辭以稱朕意云云

賜新除司空平章軍國事呂公著上第二表  
辭免恩命不允口宣

有勅卿以全德式符具瞻宜與師臣共為民望欽承

明命佇聽嘉謨云云

賜新除尚書左僕射呂大防右僕射范純仁  
辭免恩命上第二表不允口宣

有勅卿以宏材久與大政擢升宰輔實慰具瞻宜速  
拜嘉毋煩謙避云云

賜新除中書侍郎劉摯辭免恩命不允口宣

有勅稽參衆言蔽自朕志西臺之貳無以逾卿亟踐  
厥官毋煩固避云云

賜新除左丞王存辭免恩命不允口宣

有勅卿純忠許國雅尚至在人官以次升義無足避其

承休寵以副眷懷云云

賜趙瞻辭免田恩命不允口宣

有勅朝廷用人議論先定不次之舉非卿孰宜亟服  
休恩毋煩固避云云

賜皇叔新封王上第二表辭免恩命不允口  
宣

有勅朕始升徐方以昨叔父庶幾大彭之壽罔愧元  
王之賢母復屢辭亟應用成命云云

蘇文忠公集卷第九十七

蘇文忠公集卷第九十八

內制口宣

相州賜大遼國賀與龍節使副御筵口宣

有勅卿等遠馳信幣來慶誕辰眷言四牡之勞宜享  
加籩之禮式頒寵數以示至恩今差入內內侍省內  
東頭供奉官岑滋賜卿等御筵想宜知悉

送伴正旦使副沿路與賀北朝生辰并正旦

使副相見傳宣撫問口宣

有勅卿等方冬出使涉春在滄遠犯風埃想動跋履  
勉加鞭策即造會朝今差某官某傳宣撫問想宜知

悉

班荆館賜大遼賀正旦人使却回御筵口宣  
有勅卿等遠達使辭載廉歸駟方改轅於北道暫弭  
節於都門益重眷懷往由燕饒今差內侍省內西頭  
供奉官梁懷吉賜卿等御筵想宜知悉

賜大遼賀正旦人使正月一日入賀畢就驛

御筵口宣

有勅卿等遠飭使輟來以舊好屬此方春之旦宜均  
既醉之歡爰命燕胥以助眷寵今差入內內侍省內  
西頭供奉寇順之賜卿等御筵兼差通議大夫守尚

書左丞李清臣押伴想宜知悉

賜鎮江軍節度使判大名府韓絳詔書湯藥  
口宣

有勅方面重寄無逾老成丘園歸休難遂雅意特頒  
珍劑以示至懷方此沍寒益加調養今差入內內侍  
省內東頭供奉官勾當御藥院老宗元賜卿詔書湯  
藥想宜知悉

班荆館賜大遼賀興龍節人使赴闕口宣

有勅卿等抗旌遠道弭節近郊乃眷勤勞良深軫念  
特頒燕衍以示惠慈今差入內內侍省內東頭供奉

官衛元賜卿等御筵想宜知悉

撫問熙河蘭會路臣寮口宣

有勅卿等服勤疆場賦政兵民言念劬勞實分憂顧特加存問以示眷懷今差東頭供奉官張永壽傳宣撫問想宜知悉

撫問資政殿學士知揚州王安禮口宣

有勅卿久去廊廟出臨江淮綏懷流亡肅遏寇盜遠惟勤瘁特示撫存今差入內內侍省內侍殿頭康奭傳宣撫問想宜知悉

賜皇叔祖保信軍節度使安康郡王宗隱生

日禮物口宣

有勅卿屬尊望重德厚

隆方誕毓之今辰有匪頒

之故事克膺壽祉永服寵

光今差朝奉郎監察御史

韓川賜卿生日禮物想宜

知悉

賜皇叔祖寧國軍

節度使華原郡王宗愈生

日禮物口宣

有勅卿望重宗盟德隆藩

服載協誕彌之旦光膺積

慶之餘特示寵頒永綏壽

光今差朝奉郎殿中侍御

史呂陶賜卿生日禮物想

宜知悉

賜皇叔祖昭信軍

節度使漢東郡王宗瑗生

日禮物口宣

有勅卿壽齒既隆德望斯隆  
侑燕私以資壽可祉今差入內

備載更誕日及日慶家庭式  
內侍省內主承頭供奉官  
知悉

賜新除保寧軍節

度使馮京告初詔書茶藥

口宣

有勅全魏之室可舊德為寔  
珍劑昭示眷懷今差入內  
御藥院陳衍賜卿告勅詔

心即征途以答民望往頒  
侍省東頭供奉官勾當  
白銀合茶藥想宜知悉

賜韓絳詔書茶藥

口宣

有勅卿德齒俱高誠請彌確  
重以民事久勞元臣既  
飭還車宜頒珍劑尚加調養以副眷懷今差入內  
侍省內東頭供奉官勾當御藥院老宗元賜卿詔書  
銀合茶藥想宜知悉

賜交州進奉人朝見訖就驛御筵口宣

有勅卿汝等恭持方物來叩塞垣冒涉修途觀光上  
國宜頒燕勞以示恩私今差入內侍省內侍殿頭  
黃益賜汝等御筵想宜知悉

白溝驛賜大遼賀坤成節人使御筵兼傳宣

撫問口宣

有勅卿肅將慶幣遠涉脩途風埃浩然徒馭動止宜  
頌燕衍以示眷懷今差某官某賜卿等御筵想宜知  
悉

賜宰臣呂公著生日禮物口宣

有勅朕之元老生以茲辰實為邦國之華豈獨閨門  
之慶故命爾息往宣予懷仍分廩庫之良以助子孫  
之壽今差卿男朝請郎希哲賜卿生日禮物想宜知  
悉

瀛州賜大遼賀正節人使回程御筵口宣

有勅卿等抗旌來聘已事言還方次邊城少休候館

宜頒燕俎以勞歸駭今差入內供奉官鄧舜賢賜卿  
等御筵想宜知悉

玉津園賜大遼賀正節人使射弓例物口

宣

有勅卿等致命寶鄰出游越  
宜旌審固之能式厚珍良之  
張懷寶賜卿等射弓例物  
軍節度使燕達伴射想宜知  
悉

賜大遼賀正節人使生餼口宣

有勅卿等遠涉脩途來陳  
慶幣舍館初定徒馭實勞

宜錫餼牽以昭寵數令差入內東頭供奉官張安仁  
賜卿生餼想宜知悉

賜大遼賀坤成節人使內中酒果口宣

有勅卿等遠馳使傳申講知悉歡既執贄以造廷亦展  
幣而成禮宜加寵錫以示眷存今差入內內侍省內  
侍殿頭雷通賜卿酒果想宜知悉

賜知樞密院事安壽已下罷散坤成節道場

香酒果口宣

有勅卿等同竭忠嘉助成治方慈闈之獻壽嚴法  
會以薦誠宜有寵頒以昭殊眷今差內侍殿頭董貫

賜卿等香酒果想宜知悉

班荆館賜大遼賀坤成節人使回程香酒果

口宣

有勅卿等講成聘禮歸次都門復此少留逝將言邁  
宜班餞等以寵行驟今差入內殿頭楊安靖賜卿等  
酒果想宜知悉

賜熙河秦鳳路帥臣并沿邊知州軍臣寮茶

銀合兼傳宣撫問口宣

有勅卿汝等夙分邊寄深以虜情屬此盛秋勞於警  
備宜申寵賚以示眷懷今差入內東頭供奉官陳言

賜卿等茶合兼傳宣撫問相心宜知悉

賜熙河秦鳳路提刑轉運茶銀合兼傳宣撫

問口宣

有勅卿等持節宣風久分真寄調兵乏食想極賢勞  
宜有寵頒以彰眷遇今差入內東頭供奉官陳言賜  
卿等茶銀合兼傳宣撫問相心宜知悉

賜觀文殿大學士光祿大夫知永興軍韓績

茶銀合兼傳宣撫問口宣

有勅卿釋政廟堂均勞方面兵馬之重緩御實勞往  
諭至懷宜加寵賚今差入內東頭供奉官陳言賜卿

茶銀合兼傳宣撫問想宜知悉

賜皇弟武成軍節度使祁國公德生日禮物

口宣

有勅卿華誕慶桐葉分封載臨震夙之辰特致壽  
康之祝其膺龍錫以介神休今差朝奉郎充龍圖閣  
待制錢勰賜卿生日禮物想宜知悉

賜宰相呂公著乞外任不允批荅口宣

有勅分憂金之老朕所仰成大義未安卿當畏去

純忠所激微次自除今差入內西頭供奉官吳遵道

賜卿乞外任不允批荅想宜知悉

賜宰相呂公著乞罷相位不允斷來章批答口宣

有勅卿之在任為德與民朕意不移徒煩屢請速起視事毋復固辭今差入內供奉官皇邁賜卿乞退不允斷來章批答口宣知悉

賜太師平章軍國重事文彥博辭免入朝拜禮允批答口宣

有勅卿勲德念心高謙恭不伐盡事君之禮忘曲身之勞重違嘉言特寢前命令差入內供奉官高純之賜卿辭免入朝拜禮允批答想宜知悉

賜皇叔荆王頤生日禮物口宣

有勅卿以名世之傑居叔父之親乃眷良辰實鍾餘慶宜膺異數之禮永錫無疆之休今差入內侍省內侍部都知張茂則賜卿生日禮物想宜知悉

熙河蘭會路賜種誼已下銀合茶藥及撫問犒設漢蕃將校已下口宣

有勅卿等受成元帥問罪種羌既俘凶渠備見忠力各加犒賜用示眷懷今差入內東頭供奉官閻安賜卿等銀合茶藥兼傳宣撫問想宜知悉

撫問劉舜卿兼賜銀合茶藥口宣

有勅卿翰屏西服威懷種羗嚴兵盛秋得雋戎落特  
遣勞問仍示寵頒今差入內供奉官閻安賜銀合茶  
藥想宜知悉

賜陝府西路轉運判官孫路銀合茶藥口宣

有勅汝以職事出按邊防屬此軍興想勞心計宜加  
寵錫以示眷懷今差入內供奉官老宗元賜汝銀合  
茶藥想宜知悉

賜陝府西路轉運司勾當公事游師雄銀合

茶藥口宣

有勅汝以儒臣習知疆政王事靡盬周爰咨謀宜有

寵頒以旌勤瘁今差入內供奉官老宗元賜汝銀合  
茶藥想宜知悉

撫問秦鳳等路臣寮口宣

有勅卿汝等綏馭兵戎布宣條教眷惟忠盡想極劬勞  
屬此早寒各宜厚愛今差入內東頭供奉官張士彥  
傳宣撫問想宜知悉

白溝驛傳宣撫問大遼賀興龍節人使及賜

御筵口宣

有勅卿汝等遠馳信幣來慶誕辰念此旬途喜於入  
境宜加燕勞以示眷存今差其官傳宣撫問想宜知

悉

沿路撫問奉安 神宗皇帝御六谷禮儀使呂  
六防已下口宣

鄭州

有勅卿等恭持使節祇事祠宮遠涉郵途實勞啓處  
特加存問以示眷懷今差入內內侍省內東頭供奉  
官郝士良傳宣撫問想宜知悉

鞏縣

有勅卿等出使別都展儀原廟衝涉微道不勤勞遠途  
體此眷懷宜加調衛今差入內內侍省內東頭供奉

官郝士良傳宣撫問想宜知悉

西京

有勅卿等暫去闕庭服勤郵傳奉祠之重去率禮為勞  
已事遄歸式符眷遇今差入內內侍省內東頭供奉  
官郝士良傳宣撫問想宜知悉

西京會聖宮應天禪院奉安 神宗御容禮

畢押賜禮儀使已下御筵口宣

有勅卿等既成原廟復奠神游乃眷元正往嚴盛禮  
宜均燕衍以示眷存今差某官某賜卿等御筵想宜  
知悉

賜熙河路副總管姚兪等銀合茶藥兼傳宣撫問口宣  
有勅卿以武略過人忠義思報焚蕩虜境宣明國威  
特示寵頒以觀來効今差某官某賜卿口詔書銀合茶  
藥想宜知悉

賜涇原路經略使并應守城禦賊漢蕃使臣  
已下銀合茶藥兼傳宣撫問口宣

有勅戎虜逆天無故犯順卿汝等忠義所激戰守有  
方犄角相望示以形勢犬羊自造亭候無虞愛念勤  
勞不忘嘉歎今差某官某賜卿汝等銀合茶藥兼傳  
宣撫問想宜知悉

賜大遼賀正旦人使白溝驛御筵并撫問口  
宣

有勅卿等遠馳華節冒履薄寒眷言郵傳之勤少樂  
宴嘉之賜往申寵問式示眷存今差某官某賜卿等  
御筵兼傳宣撫問想宜知悉

沿路賜奉安 神宗御容禮儀使臣大防押  
班馮宗道并使臣已下銀合茶藥兼傳宣撫  
問口宣

有勅卿汝等祗率官常往嚴像設屬此寒凝之候眷  
言往返之勞式示寵綏特賜優錫今差某官某傳宣

撫問想宜知悉

冬季傳宣撫問諸路沿邊臣寮口宣

有勅卿汝等守禦邊疆憂勞夙夜屬茲寒沍想各康強特示眷懷往申勞問今差某官某傳宣撫問想宜知悉

就驛賜大遼賀坤成節人使花酒果口宣

有勅卿等爾將慶幣來舉壽觴臨遣輔臣往頒燕豆仍加寵賚以示眷懷今差入內內侍省內侍殿頭楊安石賜卿等花酒果想宜知悉

賜大遼人使賀坤成節人見訖歸驛銜筵口

宣

有勅卿等初祝使車已陳禮幣退安館舍往錫燕觴式示眷懷且旌勞勩今差入內內侍省內侍殿頭李易從賜卿等御筵兼差正議大夫守門下侍郎孫因押伴想宜知悉

賜大遼人使賀坤成節人見訖歸驛酒果口宣

有勅卿等趨庭致命就館即安少休行役之勞宜示眷懷之異式昭寵數往錫甘芳今差入內內侍省內侍殿頭楊戩賜卿等酒果想宜知悉

班荆館賜大遼賀坤成節人使回程御筵口  
宣

有勅卿等使事畢陳還車載啟改轅而北弭節少留  
就錫燕嘉式昭禮遇今差內侍省內侍殿頭楊觀賜  
卿等御筵想宜知悉

賜馬步軍司罷散坤成節道場香酒果口宣  
有勅卿等共罄臣衷力祈慈壽爰修法會亦既告成  
宜有寵頒以旌誠懇今差內侍省內侍高班陳溫之  
賜卿等香酒果想宜知悉

賜知樞密院事安燾已下罷散坤成節道場

香酒果口宣

有勅卿等忠存廟社義篤君親嘉法會之有成祝聖  
齡於無極宜加寵賚以示眷懷今差內侍省內侍殿  
頭王祺賜卿等香酒果想宜知悉

賜皇伯祖嗣濮王宗暉已下罷散坤成節道  
場香酒果口宣

有勅卿等為國懿親助我孝治祝慈闈之永壽成法  
會於茲辰宜有寵頒以旌忠悃今差內侍省內西頭  
供奉官任夙賜卿等香酒果想宜知悉

賜皇叔揚王醴泉觀罷散坤成節道場香酒

果口宣

有勅卿以周召之親躬任媿之眷養作力祈壽擬抵扣佛乘既徹淨筵宜膺寵賚今差內侍省內侍殿頭張翬賜卿香酒果想宜知悉

賜太師文彥博已下罷散坤成節道場香酒果口宣

有勅元老在庭百官承式啓法筵於梵宇祝壽擬於慈闈宜有寵頒以助燕喜今差內侍省內東頭供奉官李世長賜卿等香酒果想宜知悉

相州賜大遼賀坤成節人使却回御筵口宣

有勅卿等遠飭征騾少休近郡載惟勤勩良極軫懷往錫宴觴以華歸騎今差內侍省內侍殿頭盧仲矩賜卿等御筵想宜知悉

瀛州賜大遼賀坤成節人使回程御筵口宣

有勅卿等遠聘通歡言歸復命改轅北道弭節邊城宜錫燕觴少休行役今差內侍省內侍殿頭張景賜卿等御筵想宜知悉

賜護國軍節度使濟陽郡王曹佾罷散坤成

道場香酒果口宣

有勅卿以耆德首冠戚藩虔祝壽祺告成法會宜加

寵賚以助燕私今差內侍省內侍高班黃昇賜香藥酒果想宜知悉

班荆館賜大遼賀正節人使回程酒果口

宣

有勅卿等致命言還改轅伊始暑雨方作馭徒實勞宜有寵頒以昭眷遇今差內侍省內侍殿頭蔣惟恭賜卿酒果想宜知悉

撫問秦鳳路臣寮口宣

有勅卿等久以選掄出分憂寄疆場之重綏御為勞宜示眷懷往宣指喻今差入內內侍省內西頭供奉

官王禹臣傳宣撫問想宜知悉

續添

賜皇叔揚王顯生日禮物口宣

有勅屬尊魯衛德重間平每臨載育之辰永錫無窮之慶宜膺寵數以介壽祺

趙州賜大遼賀正太皇太后正旦使副茶藥

口宣

有勅卿等遠馳使傳方次州封念此寒凝艱於涉履特申寵錫以示眷存

班荆館賜大遼賀正節人使回程御筵口

宣

有勅已事言旋改轅茲始冒寒遠涉軫念良深少憩  
近郊復陳燕豆

相州賜大遼賀正旦人使却回御筵口宣

有勅卿等復理歸鞍少休輔郡念北轅之首路犯西  
陸之餘寒往致恩勤暫留燕衍

賜大遼賀正旦人使却回雄州御筵口宣

有勅卿等遠動郵傳冒涉冰霜眷言往復之勞已次  
封圻之上宜頒嘉燕以示至懷

賜大遼賀正旦使生餼口宣

有勅卿等郵傳遠動舍館既定宜敦主禮以犒馭徒  
往錫餼牽少紓勞瘁

賜大遼賀正旦使副朝辭訖歸驛御筵酒果  
口宣

有勅卿等聘事告成歸車夙駕屬此寒凝之末眷言  
往返之勤錫此珍芳以將寵遇

賜新除殿前副都指揮使武泰軍節度使苗  
授辭免恩命第二表不允批答口宣

有勅卿早練武經晚著邊效進持帥節實允僉言矧  
以次遷無煩遐避

趙州賜大遼賀正旦使副茶藥口宣

有勅卿等遠修舊好屬此沍寒載歷山川久蒙霜露  
宜有精良之賜式彰軫念之懷

賜皇弟大寧郡王佖生日禮物口宣

有勅桑蓬示喜復臨載育之辰金幣展親往致友于  
之愛膺予寵賚俾稱壽昌

坤成節就驛賜于闐國進奉人使御筵口宣

有勅奉琛遠至授館少留適講誕辰宜均慶澤欽承  
恩渥共樂燕私

蘇文忠公集卷第九十八

